



浣花集卷第五

杜陵常莊

今體詩凡二十八首

李氏小池亭十二韻

皆在婺州寄居作

積石亂嶢嶢庭莎綠不芟小橋低跨水危

檻半依巖萼落魚爭啜櫻紅鳥競鷓竹咸切

啄物也引泉疏地脈掃絮積漬山嵌切口銜古

柳紅綃織新篁紫綺緘養猿秋嘯月放鶴

夜棲杉枕簟縠雲膩池塘海雨鹹語窗雞

暹辦砥鼎犬偏饒踏蘚青粘屐攀蘿綠暎

衫訪僧舟北渡貫酒日西銜遲滯客登高  
閣題詩遠翠岳家藏何所寶清韻滿琅函

遣興

如幻如泡世多愁多病身亂來知酒聖貧  
去覺錢神異國清明節空江寂寞春聲聲  
林上鳥喚我北歸秦

婺州和陸諫議將赴闕懷陽羨山

居

望闕路仍遠子牟魂欲飛道開燒藥鼎僧  
寄臥雲衣故國饒芳草他山掛夕暉東陽

雖勝地王粲奈思歸

江上題所居

故人相別盡朝天苦竹江頭獨閉關落日  
亂蟬蕭蕭帝寺碧雲歸鳥謝家山青州從事  
來偏熟泉布先生老漸慳不是對萼長酌  
酌求嘉峇代不如閑

婺州屏屈蒙右省王拾遺車枉降

訪病中延候不得因成寄謝

三季流落臥漳濱王粲思家拭淚頻畫角  
莫吹殘月夜病心方憶故園春自爲江上



樵蘇客不識 天邊侍從臣 怪得白鷗驚去  
盡綠蘿門外有朱輪

將卜蘭芷村居 畱別郡中在仕

蘭芷江頭寄斷蓬 移家空載一帆風 伯倫  
嗜酒還因亂平子 歸田不爲窮避世 漂零  
人境外 結茅依約畫屏中 從今隱去應難  
覓 深入蘆花作釣翁

和陸諫議避地寄東陽進退未决

見寄

未歸天路紫雲深 輶駐東陽歲月侵 入洛

聲華當世重 閔周章句滿 朝吟開爐夜看  
黃芽鼎 卧瓮閑歌白玉簪 讀易草玄人不  
會 憂君心是致君心

山豎閑題

邇迤前岡歷後岡 一川桑柘好殘陽 主人  
饌餉炊紅黍 鄰父攜竿釣紫鮒 靜極却嫌  
流水鬧 閑多翻笑野雲忙 有名不卽無名  
客 獨閉衡門避建康

江上逢故人

前季送我曲江西 紅杏園中醉似泥 今日

逢君越谿上杜鵑萼發鷓鴣啼來省舊里  
人誰在別後滄波路幾迷江畔玉樓多美  
酒仲宜懷土莫淒淒

旅中感遇寄呈李祕書昆仲

南望愁雲鑱翠微謝家樓閣雨霏霏劉禎  
病後新詩少阮籍貧來好客稀猶喜故人  
天外至許將孤劍日邊歸懷鄉不怕嚴陵  
笑只待秋風別釣磯

送范評事八關

寂寥門戶寡相親日日頻來只有君正喜

琴樽長作伴忽攜書劍遠辭羣傷心柳色  
離亭見聒耳蟬聲故國聞爲報明季否園  
客與雷絕艷待終軍

東陽酒家贈別二絕句

送君同上酒家樓酩酊翻成一笑休正是  
落萼饒帳望醉鄉前路莫回頭  
天涯方歎異鄉身又向天涯別故人明日  
五夏孤店月醉醒何處淚霑巾

江上村居

本無蹤跡戀柴扃世亂須教識道情顛到



夢魂愁裏得擷奇詩句望中生華綠艷絕  
我難好山爲看多詠不成聞道漢軍新破  
處使來仍說近離京

江外思鄉

季季春日異鄉悲杜曲黃鶯可得知更被  
夕陽江岸上斷腸煙柳一絲絲

和鄭拾遺秋日感事一百韻

禍亂天心厭流離客思傷有家拋上國無  
罪謫遐方負笑將辭越揚帆欲泛湘避岢  
難駐足感事易回腸雅道何銷德妖星忽

耀芒中原初縱燎下國竟探湯盜據三秦  
地兵纏八水鄉戰塵輕犯關羽旆遠巡梁  
自此修文代俄成講武場熊羆驅豕鹿犀  
象走昆陽御馬迷新棧宮娥改舊粧五丁  
功再覩八難事難忘鳳引金根疾兵環玉  
弩疆連牙雖可恃摩壘詎能防霍廟神遐  
遠圯橋路杏莖出師威似虎禦敵狼如羊  
眉畫猶思赤巾裁未厭黃晨趨鳴鐵騎夜  
舞挹瓊觴僭侈彤檐亂誼呼繡鬢攘但聞  
爭曳組詎見學垂韁鵲印提新篆龍泉奪



曉霜軍威徒逗撓我民自惟揚負辰勞天  
脊凝梳念國章繡旗張畫獸寶馬躍紅鸞  
但欲除妖氣寧思蔽耿光曉煙生帝里夜  
火入春坊鳥怪巢宮樹狐驕上苑牆設危  
終在德視履豈無祥氣激雷霆怒神驅岳  
瀆忙功高分虎節位下恥龍驤遍命登壇  
將巡封異姓王志求扶墜典力未振頽綱  
漢路閑鷗鷺雲衢駐驕驩寶裝軍器麗麋  
衰戰袍香日觀兵書捷昔聞虜騎亡人心  
驚解豕雀意伺螳螂上略咸推妙前鋒詎

可當紆金光照耀執玉意藏昂覆鉢非無  
謂奢華事每詳四民皆組綬九土墮耕桑  
飛騎黃金勒香車翠佃裝八珍羅膳府五  
采闕筐牀宴集喧華第歌鍾簇畫榭永期  
傳子姓寧誤犯天狼未覩居除側徒思玉  
在倖竄身奚可保易地喜相將國運方夷  
險天心詎測量九流雖暫蔽二柄豈相妨  
小孽乖躔次中興繫昊蒼灑堯功已普罪  
已德非涼帝念惟思理臣心豈自遑詔催  
青瑣客嘗待紫微即定難輸宸算勝災滅



御梁皇恩思蕩蕩睿澤轉洋洋偃卧雖非  
晚艱難亦備嘗舜庭招諫鼓漢殿上書囊  
儉德遵三尺清朝俟一匡世隨渙父醉身  
效接輿狂竄逐同天寶遭罹異建康道孤  
悲海溼家遠隔天潢卒歲貧無褐經秋病  
泛漳似臭甘去乙比蟹未成筐守道慙無  
補趨省愧不臧殷牛常在耳晉豎欲潛盲  
忸恨山思板懷歸海欲航角吹魂悄悄笛  
引淚浪浪亂覺乾坤窄貧知日月長勢將  
隨鶴列忽喜遇鴛行已報新迴駕竹聞近

納隍文風銷劔楯禮物換柝裳紫闥重開  
序青衿再設庠黑頭期命爵頰尾尚憂魴  
吳坂嘶騏驥岐山集鳳皇詞源波浩浩諫  
署玉銜銜餉雀曾傳慶烹蛇詎有殃矧弓  
禪勁鏃匣劔淬神銖諤寧慙直堂堂不  
謝張曉風趨建禮夜月直文昌去國皆雖  
久安邦志不常良金鑪自躍美玉積難藏  
北望心如拖西歸律變商跡隨江燕去心  
逐塞鴻翔晚翠籠桑塢斜暉掛竹堂路愁  
千里月田愛萬斯箱伴釣歌前浦隨樵上



遠崗鷺眠依晚嶼鳥浴上栢揚驚夢綠歌  
枕多吟爲倚廊訪僧紅葉寺題句白雲房  
帆外青楓老樽前紫菊芳夜燈銀耿耿曉  
露玉凜凜異國慙傾蓋歸塗俟併糧身雖  
雷震澤心已過雷塘孰及知誰在家山各  
已荒海邊登桂檝煙外泛雲牆巢樹禽思  
越嘶風馬戀羌寒聲愁聽杵空館厭聞蟬  
望闕飛華蓋趨朝振玉璫米慙無恙苾麩  
喜有挑擲話別心重結傷皆淚一滂佇歸  
蓬島後綸詔潤青緗

夢入關

夢中乘傳過關亭南望蓮峯簇簇青馬上  
正吟歸去好覺來江月滿前庭

送人歸上國

送君江上日西斜泣向江邊滿樹萼若見  
青雲舊相識爲言流落在天涯

聞春鳥

雲晴春鳥滿江村還似長安舊日聞紅杏  
萼前應笑我我今憔悴亦羞君

櫻桃樹

記得初生雪滿枝和蜂和蝶帶萼移如今  
萼落遊蜂去空作主人憫悵詩

獨鶴

夕陽灘上立徘徊紅蓼風前雪翅開應爲  
不知棲宿處幾迴飛去又飛來

新栽竹

寂寞堦前見此君  
遶欄吟罷却沾巾  
異鄉流落誰相識  
唯有叢篁似主人

稻田

綠波春浪滿前陂  
極目連雲紀  
經肥夏被

鷺鷥千點雪  
破煙來入畫屏飛

庭前菊

爲憶長安爛熳開  
我今移爾滿庭栽  
紅蘭莫笑青青色  
曾向龍山泛酒來

燕來

去歲辭巢別近隣  
今來空訝草堂新  
萼開對語應相問  
不是村中舊主人

倚柴關

杖策無言獨倚關  
如癡如醉又如閑  
孤吟盡日何人會  
依約前山似故山



題七步廊

席門無計那殘陽  
更接簷前七步廊  
不羨東都丞相宅  
每行吟得好篇章

語松竹

庭前芳草綠於袍  
堂上詩人欲二毛  
多病不禁秋寂寞  
雨松風竹莫騷騷

浣花集卷第五

浣花集卷第六

今體詩凡十七首

杜陵常莊

不出院楚公自三衢至江西作

一自禪關閉  
心猿日漸馴  
不知城郭路  
稀識市朝人  
復帶堦前雪  
衣無寺外塵  
却嫌山翠好  
詩客往來頻

江邊吟

江邊燭烽燧  
幾昔休江上  
行人雪滿頭  
誰信亂離萼  
不見只應惆悵  
水東流陶潛政事

千杯酒張翰生涯一葉舟若有片帆歸去  
好可堪重倚仲宣樓

江南送李明府入關

雨萼煙桺傍江村流落天涯酒一罇分首  
不辭多下淚迴頭唯恐更消魂我爲孟館  
三千客君繼寧王五代孫正是中興磐石  
重莫將顛顛入都門

送福州王先輩南歸

豫章城下偶相逢自說今方遇至公八韻  
賦吟梁苑雪六銖衣若杏園鳳名標玉籍

僊壇上家寄閩山畫障中明日一杯何處  
別綠揚煙岸雨濛濛

夜雪泛舟遊南溪

大江西面小溪斜入竹穿松似若耶兩岸  
巖風吹玉樹一灘明月曬銀砂因尋野渡  
逢漁舍愛泊前灣上酒家去去不知歸路  
遠棹聲煙裏獨嘔啞

江行西望

西望長安白日遙半竿無事駐蘭橈欲將  
張翰秋江雨畫作屏風寄鮑昭



銅儀

銅儀一夜變葭灰暖律還吹嶺上梅已喜  
漢官今再覩更驚堯曆又重開窗中遠岫  
青如黛門外長江綠似苔誰念閉關張仲  
蔚滿庭春雨長蒿萊

含香

含香高步已難陪鶴到清霄勢未迴遇物  
旋添芳草句逢春寧滯碧雲才微紅幾處  
萼心吐嫩綠誰家柳眼開却去金臺爲近  
侍便辭鷓鴣鳥不歸來

春雲

春雲春水兩溶溶倚郭樓臺晚翠濃山好  
只因人化石地靈曾有劍爲龍官辭鳳闕  
頻經歲家住峨嵋第幾峯王粲不知多少  
恨夕陽吟斷一聲鍾

雲散

雲散天邊落契和關關春樹鳥聲多劉伶  
避世唯沈醉甯戚傷豈亦浩歌已恨歲華  
添皎鏡更非人事逐趨波青雲自有鸞鴻  
待莫說他山好辟蘿

袁州作

家家生計只琴書一郡清風似魯儒  
山色東南連紫府水聲西北屬洪都  
煙霞盡入新詩卷郭邑閑開古畫圖  
正是江村春酒熟更聞春鳥勸提壺

題袁州謝秀才所居

主人季少已能詩更有松軒掛夕暉  
芳草似袍連徑合白雲如鳥傍簷飛  
但將竹葉消春恨莫遣楊華上客衣  
若有前山好煙雨與君吟到暝鐘歸

謁巫山廟

亂猿啼處訪高唐路入煙霞草木香  
山色未能忘宋玉水聲猶似哭襄王  
朝朝暮暮陽臺下烏雨為雲楚國亡  
惆悵廟前無限一作少柳春來空鬪畫眉長

鷓鴣

南禽無侶似相依錦翅雙雙傍馬飛  
孤竹廟前啼暮雨汨羅祠畔弔殘暉  
秦人只解歌為曲越女空能畫作衣  
懊惱澤家非有恨季季長憶鳳城一作皇歸慎惴澤家鷓鴣之音也



宿蓬船

夜來江雨宿蓬船，卧聽淋鈴不忍眠。  
却憶紫微情調逸，隕風中酒過年年。

送李秀才歸荆溪

八月中秋正圓，送君吟上木蘭船。  
人言格調勝玄度，我愛篇章敵浪僊。  
晚渡去皆衝細雨，夜難何處宿寒煙。  
楚王宮去陽臺近，莫倚風流滯少年。

洪州送西明寺省上人遊福建

記得初騎竹馬年，送師來往御溝邊。  
荆榛

已失當岑路，槐柳全無舊日煙。  
遠自稽山遊楚澤，又從廬岳去閩川。  
新春關下應相見，紅杏萼中覓酒僊。

浣萼集卷第六

Handwritten text in a rectangular frame, possibly a ledger or account book. The text is written in a cursive script and is mostly illegible due to fading and bleed-through. Some faint words like "L. 100" and "L. 100" are visible on the left side of the frame. There are several horizontal lines across the page, suggesting a table or list structure.





